

Incumbensa Caduff concernent l'eliminaziun da duplicitads tar la registraziun da datas

La confederaziun, ils chantuns, las vischnancas sco er instituziuns dal dretg public retschertgan datas statisticas u autras infurmaziuns tar las interpresas. Il dumber da retschertgas e da controllas s'augmenta d'in cuntin. La lavur per retschertgar las datas e per far las controllas è considerabla per las interpresas. Tut tenor la bransch po questa lavur importar plirs mais da lavur d'ina persuna.

D'ina vart dumondan las autoritads cun las enquistas statisticas savens pliras giadas las medemas infurmaziuns tar las interpresas. Da l'autra vart vegn savens er generada lavur tar ils patruns pervia da las controllas betg coordinadas. Quai en spezial en cas da las differentas controllas sin il martgà da lavur, en il sector da l'agricultura u er en ils fatgs da sanadad.

Nus vivain oz en in mund digital connectà. Perquai èsi necessari ch'er l'administraziun publica profita da las schanzas da la digitalisaziun ed eliminescha duplicitads en la retschertga da datas. Uschia pon las interpresas vegnir distgargiadas da lavur da statistica e da controlla.

L'applicaziun consequenta e coordinada da systems electronics e d'interfatschas digitalas sto permetter a las autoritads da reducir la lavur da statistica e da controlla per las interpresas.

La regenza vegn incumbensada da garantir che interpresas na ston betg furnir las medemas datas ed infurmaziuns a differentas autoritads. Da la coordinaziun dals differents uffizis federals, dals chantuns e da las vischnancas stoi resultar che la lavur da las enquistas e da las controllas sa reducescha considerablamain per las interpresas.

Cuira, il 1. da settember 2017

Caduff, Michael (Donat), Albertin, Alig, Blumenthal, Bondolfi, Brandenburger, Buchli-Mannhart, Caluori, Casanova (Glion), Casanova-Marion (Domat), Casutt-Derungs, Cavegn, Claus, Cramer, Darms-Landolt, Davaz, Deplazes, Dosch, Dudli, Engler, Epp, Fasani, Felix (Haldenstein), Felix (Scuol), Florin-Caluori, Grass, Hardegger, Heiz, Hitz-Rusch, Holzinger-Loretz, Joos, Koch (Tumein), Komminoth-Elmer, Kunz (Cuira), Kuoni, Lorez-Meuli, Märchy-Caduff, Marti, Nay, Pedrini, Pfäffli, Salis, Sax, Schneider, Tenchio, Tomaschett (Breil), Troncana-Sauer, Vetsch (Pragg-Jenaz), von Ballmoos, Weber, Widmer-Spreiter, Wieland, Zanetti, Berther (Segnas), Cajacob, Föhn, Sigron, Schmid